



Direktoratet for mineralforvaltning
med Bergmeisteren for Svalbard

ABO Plan & Arkitektur
Postboks 291
5203 OS

Dato: 11.04.2024
Vår ref: 24/00884-2
Dykkar ref:

Fråsegn til varsel om planoppstart og høyring av planprogram for reguleringsplan for Røysaneset industribase i Kvinnherad kommune

POST- OG BESØKSADRESSE

Ladebekken 50
7066 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) viser til ovannemnde sak, datert 5. mars 2024.

DMF er statens fagorgan og sektormyndigheit for mineralressursar og mineralverksemd. DMF skal bidra til økt verdiskaping gjennom å leggje til rette for ein langsiktig ressurstilgang basert på ein forsvarleg og berekraftig utvinning og tilverking av mineral. Vi forvaltar lov om erverv og utvinning av mineralske ressursar (minerallova), og har i tillegg som sektormyndigheit eit særleg ansvar for at mineralressursar blir teke omsyn til i saker etter plan- og bygningslova.

Om planen

Det er varsla oppstart av planarbeid og høyring av planprogram for Røysaneset industribase. Hovudføremålet med reguleringsplanen er å leggje til rette for næring i form av maritim industri. Det er planar om å vidareføre dagens aktivitet på området, samt utvide og foredle anlegga og aktiviteten. I kommuneplanens arealdel er landområdet avsett til næringsføremål, bustad, hamn, LNF og LNF-spreidd. Sjøområdet er avsett til ferdsel og bruk og vern av sjø og vassdrag. Planen skal konsekvensutgreiast.

Fråsegn frå DMF

Massehandtering

I planprogrammet, under punkt 7.1.3 om grunnforhold og masseberekning, vert det opplyst at store delar av planområdet er sprengt ned til kainivå og at gjeldande reguleringsplan opnar for å skyte ut meir areal der det er ønskeleg å planere ned til kainivå. Som del av planarbeidet skal det vurderast å opne for å ta ut noko meir massar enn dagens planverk opnar for. Dette er aktuelt i eit område lengst søraust, som i gjeldande plan er regulert til friluftsområde.

Ifølgje planprogrammet er det, basert på gjeldande plan, estimert eit uttak av massar på om lag 130 000 m³. Uttaket er for å klargjere areala for næringsverksemd, der massane ikkje har eit kommersielt formål. Massane vil i hovudsak nyttast internt på næringsområdet til planering, opprusting og mindre utfyllingar i sjø. Eventuelle overskotsmassar vil verta frakta ut av området og nyttast til godkjente tiltak andre stader. Massehandtering skal utgreiast som del av planarbeidet.



Utgreiinga bør omfatte eit estimat på kor stort volum masser som skal takast ut og kor stort volum som er naudsynt for tilrettelegging av planlagde formål. I tillegg må det gjerast greie for varigheita av uttaket, kvaliteten på overskotsmassane og planlagd bruk av massane. I tillegg kan det vere behov for mellomlagring av massane. Samfunnsnyttig bruk av overskotsmassar frå anleggsarbeid er eit viktig ledd i ei meir berekraftig mineralressursforvaltning, noko som også går fram av punkt 42 og 44 i dei nye nasjonale forventningane til regional og kommunal planlegging.

Forholdet til minerallova

Vi gjer likevel merksam på at føreslått masseuttak i samband med planen kan vere omfatta av minerallova. Lova gjeld likevel ikkje uttak som hovudsakeleg er del av ei anna utnytting av grunnen.

Som utgangspunkt, gjeld lova eitkvart uttak av mineralske førekomstar, jf. minerallova § 3. DMF har tidlegare gjort ei vurdering av om eitt av områda der det er ønskeleg å planere til kainivå er omfatta av minerallova. Vi syner til vårt brev av 31. august 2022 der vi slår fast at planering av det minste området i sørvest, ved Havnaskåro, ikkje er omfatta av minerallova. Etersom plana no skal endrast og at det skal opnast for eit større uttak enn tidlegare vurdert, kan det verte aktuelt med ei ny vurdering. Det er den som er ansvarleg for uttaket, som også er ansvarleg for at dei naudsynte løyve er på plass før uttak settast i gang.

For nærmare informasjon om minerallova med tilhøyrande forskrifter, sjå heimesida vår på www.dirmin.no. Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Lars Libach
seniorrådgjevar

Arita Eline Stene
rådgjevar

Dokumentet er elektronisk signert og har difor ikkje handskrivne signaturar.

Sakshandsamar: Arita Eline Stene

Mottakarar:

ABO Plan & Arkitektur

Postboks 291

5203 OS

Kopi til: